

Gvangjsih Minzcuz Bau

ganhhau: CN45-0036 B.2017 Nd.12 Ng.20 liggaueq dingyoux nienz ndwenit cosam

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3304期

《Diuzlaeh Ndawbiengz Sawjyung Guenlleix Sawcuengh Namzningz Si》 Liedhaeuj Namzningz Si Haj Bi Coglaeng Deihfueng Laebfap Gveihva 《南宁市壮文社会使用管理条例》列入南宁市未来五年地方立法规划

Ndwen 11 ngoenz 30, 《Namzningz Si Gaiq Daihcibsei Yinzda Cangzveij Haj Bi Laebfap Gveihva》ginggvaq Aenhoh Baez Daihbet Namzningz Si Gaiq Cibsei Yinzda Cangzveijvei saemjlnh caemhcai biujgiet doenggvaq. Liedhaeuj haj bi coglaeng laebfap gveihva laebfap hanghmoeg gungh miz 38 gienh, ndawde coihgai hanghmoeg 16 gienh, laebmoq hanghmoeg 22 gienh. 《Diuzlaeh Ndawbiengz Sawjyung Guenlleix Sawcuengh Namzningz Si》dangguh gij hanghmoeg lizsij vwnzva baujhoh fuengmienh ndaej liedhaeuj laebfap gveihfan, gig miz deihfueng daegsaek.

Gaen 5 bi neix daeuj, Namzningz Si doenggvaq gyagiengz hong Sawcuengh Vahcuengh fazci gensez

caeuq guhhong gveihva, vih hong doihengz Sawcuengh daezhawj bauj-cang rengzrd. Bi 2013 ndwen 5, Namzningz Si daiqdaez youq daengx gih yung gij fuengsik laebfap daeuj doihengz caeuq gveihfan sawjyung Sawcuengh, fatbhou le 《Gij Banhfap Ndawbiengz Sawjyung Guenlleix Sawcuengh Namzningz Si》cwngfuj gveihcangh Guengsae bouh daih'it hong saw vah minzcuz vwnznoix, youq bihaenx ndwen 7 ngoenz 1 hainduj hengzguh, neix hauh'ok hong Sawcuengh daengx si cugyamq hamj hauej diuz roen fapeihvaq. Neix mboujdan doiq coicaenh Sawcuengh gveihfanva, byauhcnjva gensez miz leih, lij doiq yienh'ok gij daegsaek minzcuz dieg gagguenj minzcuz, daezsang gij simgagsaenq minzcuz

vunzlai Bouxcuengh, hezdiuz minzcuz gvanhaeh miz cozyung gaenx-maenx. 《Banhfap》saedhengz 4 bi lai daeuj, laebfap yauq haemq ndei. Bi 2015, si yinzda cangzveijvei aeu ndawbiengz sawjyung guenlleix Sawcuengh dingh baenz nienzdo deihfuengsingq fapgvi laebfap diu-yenz hanghmoeg, yae aeu 《Gij Banhfap Ndawbiengz Sawjyung Guenlleix Sawcuengh Namzningz Si》cwngfuj gveihcangh seizneix hengz haenx swng baenz deihfuengsingq fapgvi, doiq gij gvaengxlaengx, gveihfan yung Sawcuengh Vahcuengh daengz guh'ok mingzdingh caeuq gveihfan, vih hong Sawcuengh Vahcuengh aen si neix daezhawj fapeih baujanc.

(Veiz Yinjsenz/韦尹璇)



Sanhgyangh: “Lijyouz+Bangfuz” Daiqdoengh Vut Gungz

三江: “旅游+扶贫”带动脱贫

Geij bi neix daeuj, Sanhgyangh Duncuz Swciyen hopheux “lijyouz + bangfuz” haiguh minzsuz vwnzva hozdung fungfouq lai yiengh, doenggvaq lijyouzyez doxlienx gvendaengz canjnieb, yung ndei giindei swhyenz dangdieg, gya'gvangq diuz roen hawj beksingq dangdieg laisou, cauhoq hwngfat “vwnzva + lijyouz + ranzungzhoj” vungsik, hawj beksingq doenggvaq ngaizbakranz, aen hozdung angqhoh ngoenzciet, guh nungzgyahloz, ranzdozninz daengz hwngfat lijyouz boiqdaug canjnieb, youq bakdou ranz ra ngaenz, youq bakdou ranz baenz miz. Ndaw doz dwg dahsau cingq yienj 《Naengh Hwnz》hawj bouxhek yawj.

(Vuz Lenyinh/吴练勋)

Baksaek Haenq Doi Hangznieb Dangz Hwngfat Bang Bouxguhnaz Laisou 百色力推糖业发展助农增收

Bineix daeuj, Baksaek Yougyangh Gih haenqrengz doicaenh hangznieb oijdangz hwngfat, bang doi guhgiet gungzhoj hingz ndaej siujgangh, vih coicaenh ginghci lajmbanj ndaej laebdaeb hwngfat daezhawj baujanc.

Bineix, aen gih neix dajveh ndaem oij 24 fanh moux, ndawde faen ndei ndaem moq(fan ndaem) mienhcik 5 fanh moux. Ginggvaq gvangqlangh senhconz caeuq gaenx-maenx dungyenz, bineix daeuj, daengx gih guhsat ndaem oij mienhcik 24 fanh moux, guhsat cingzsoq 100%; guhsat ndaem moq(fan ndaem) mienhcik 6.15 fanh moux, guhsat cingzsoq dwg 123%.

Vih gyavaiq doidoengh canjnieb oij hwngfat, daj bi 2016 hainduj, aen gih neix mboujduenh yinxhaeuj

oij binjcong moq, coicaenh faen oij ndei lawhmoq vuenhdaih caeuq nungzyez demyauq, vih bouxguhnaz laisou dwkroengz giekdaej gaenj-maenh. Youq gwnz giekdaej ca ndei oijdangz “song sang” gveihmoz dajndaem, aen gih neix haenqrengz sonyinx bouxak ginghci, ranz dajndaem lai riuzcienj diegnamh, vatcimh byafwz diegfwz hwngfat canjnieb oij. Daengz seizneix, aen gih neix gaenq miz 15 aen bouxguhnaz ciennieb hozcozse daengz yienghmoq ginghyingz cawjdaej riuzcienj diegnamh ndaem oij, vatcimh byafwz diegfwz ndaem oij 1 fanh moux, mboujdan mizyauq gajgez mbangj mbanj nungzhoh aenvih mbouj miz goengrengz cauhaenz diegnamh vutfwz vwndiz, youh mizyauq yung diegnamh cuengq-

hoengq lajmbanj.

Vih onjdingh canjnieb oij hwngfat, aen gih neix okdaiz mizgven bangfuz banhfap, giyez guh dangz giethab saedsaeh cingzgvang bonjfaenh, dingh'ok mizgven banhfap, guhbaenz gij gaprengz hung'ak cwngfuj, giyez doengzcaeuz couzcienx bangfuz canjnieb oij haenx. Bi 2017, Ganhva, Vanlinz song aen giyez guh dangz youq gwnz giekdaej guh ndei cawx nungzgi h boujdiep, yung nungzgi dajndaem boujdiep, bwnh ywgajnon boujdiep daengz gak hangh ndaem oij boujdiep, dajveh roengzngaenz 300 fanh maenz coih roen dieg ndaem oij 110 diuz daih'iek 700 goengleix, dajveh guh moq roen dieg ndaem oij 14 diuz daih'iek 46.6 goengleix.

(Vangz Cwngzgvei Luz Gveiyinh)

SIUSIK DINJ

简讯

● Geij bi neix daeuj, Gvanyangz Yen cujcz ranzungzhoj gyahaeuj aen hozcozse guh gai faenjmaenz, yung aen bingzdaiz densangh siugai, faenjmaenz gaxgonq gyaqcienz daemq haenx, seizneix gyaqcienz ndaej daezsang caemhcai gai bae diegyae gak dieg, baenz gij canjnieb youqgaenj hawj nungzhoh vut gungz baenz miz.

(Dangz Yungzgvei)

● Mboengqneix, Yungfuz Yen aen senhgyangjdonz gangj gij cingsaenz Cibgouj Daih dangj bae daengz 9 aen yanghcin aen yienh neix, banh le 27 ciengz ciendaenz senhgyangj. Gyoengq bouxguhhong senhgyangjdonz daengz Baujlij Cin Cazliu Cunh Mbanjdunghding, Gvangfuz Yangh Aijlingj Cunh daengz 18 aen mbanj bien'gyae, yung vah beksingq gangj gij saeh beksingq gvansim, ndaej beksingq angqcoux.

(Binh Cwnggenh)

● Geij bi neix daeuj, Lingzsanh Yen doenggvaq banh citheiq yisuz hauej dangzgoq, citheiq yienjok hauej hagdangz, cujcz canghheiq mizmingz hauej hagdangz haiguh cawjdaez saedhengz hozdung, mboujduenh gya'gvangq diuz roen cienzdoh citheiq, cienzmienh doi-caenh hong “citheiq hauej hagdangz”, hawj de caeuq hagdangz gyauyuz sonhag saedhengz doxyungz.

(Luz Binh)

● Bineix daeuj, Denzyangz Yen gaenxmaenx sonyinx gak gaep hagdangz haiguh hagseng caeuq bohranz doxdoengh daegsaek gyauyuz hozdung, gyagiengz gyaranz caeuq hagdangz doxdoeng doxyau, cauxlaeb aen gihci gyaranz hagdangz doxgap aeu hagseng bohranz gvanhaeh huzndei guh giekdaej haenx, caenh'itbough daezswng gyauyuz suijbingz.

(Maj Nizya Lij Cunghhungz)

● Geij bi neix daeuj, Yungzsuij Myauzcuz Swciyen Hungzsuij Yangh baengh gij swhyenz deihleix diuzgienh bya sang mok lai, yung gij banhfap mbawbanj nem non yaeuh non gaj non, vunzhong ciemz nywj caeuq dwk bwnhranz daengj, yung gij vungsik “gunghsw + gihdi + hozcozse + ranzungzhoj”, daiqdoengh 1000 lai ranzungzhoj ndaem 4000 lai moux suencaz mbouj miz goenghaih, gya'gvangq diuzroen gai, vunz ranzungzhoj bingzyaenz laisou 2000 lai maenz, doidoengh le cinjceng bangfuz.

(Lungz Dauh)